



Broj: 01/5-50-1-5-31/09  
Sarajevo, 3.3.2009. godine

**Z A P I S N I K**  
**31. sjednice Komisije za saobraćaj i komunikacije,**  
**održane 3.3. 2009. godine**

Sjednica je održana 3.3.2009., s početkom u 13,10 sati.

Sjednici su prisustvovali članovi Komisije: Branko Dokić, Šemsudin Mehmedović, Slavko Matić, Husein Nanić, Selim Bešliagić i Mehmed Suljkanović.  
Odsustvovali su Sadik Bahtić i Savo Erić.

Iz Ministarstva komunikacija i prometa BiH sjednici su prisustvovali: Veselin Poljašević, zamjenik ministra, Đorđe Ratkovića, generalni direktor Direkcije za civilno zrakoplovstvo BiH, i Kojo Koprivica, pomoćnik ministra. Iz Državne regulatorne komisije za električnu energiju: Nikola Pejić, Vladimir Dokić i Mirsad Salkić. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložio sljedeći

**D N E V N I R E D**

1. Usvajanje Zapisnika 30. sjednice Komisije;
2. Razmatranje Izvještaja o radu Ministarstva komunikacija i prometa BiH za 2008. godinu;
3. Razmatranje Izvještaja o radu Državne regulatorne komisije za električnu energiju u 2008. godini;
4. Tekuća pitanja.

Dnevni red usvojen je jednoglasno.

**Ad. 1. Usvajanje Zapisnika 30. sjednice Komisije**

Zapisnik 30. sjednice usvojen je jednoglasno, bez primjedbi.

**Ad. 2. Razmatranje Izvještaja o radu Ministarstva komunikacija i prometa BiH za 2008. godinu**

Predsjedavajući je otvorio raspravu u kojoj su učestvovali svi članovi Komisije, te predstavnici Ministarstva komunikacija i prometa BiH Veselin Poljašević, Đorđe Ratkovića i Kojo Koprivica.

Nakon rasprave, Komisija je usvojila sljedeće zaključke:

1. Komisija je zaključila da je Izvještaj o radu Ministarstva komunikacija i prometa BiH za 2008. godinu nepotpun, paušalan i veoma uopćen, pa traži od Ministarstva da u roku od 15 dana doradi i dopuni Izvještaj u skladu s raspravom vođenom na sjednici Komisije (rad na prijedlozima zakona, poslanička pitanja, CEMT dozvole, Koridor Vc, itd.) Također se traži da i ostale aktivnosti, koje nisu bile predmet rasprave na 31. sjednici Komisije, budu konkretizirane s naznačenim efektima.
2. Traži se od Ministarstva komunikacija i prometa BiH da u roku od tri sedmice dostavi Komisiji informaciju o provođenju Strategije upravljanja zračnim saobraćajem u Bosni i Hercegovini.

### **Ad. 3. Razmatranje Izvještaja o radu Državne regulatorne komisije za električnu energiju u 2008. godini**

Predsjedavajući je otvorio raspravu u kojoj su učestvovali članovi Komisije Branko Dokić i Mehmed Suljkanović, te predstavnik Državne regulatorne komisije za električnu energiju Nikola Pejić.

Komisija je jednoglasno prihvatila Izvještaj o radu Državne regulatorne komisije za električnu energiju u 2008. godini, te smatra da je kvalitetan i cjelovit, pa predlaže Predstavničkom domu njegovo usvajanje u ponuđenom tekstu.

U smislu odredbi člana 39. i 113. Poslovnika Predstavničkog doma doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

### **Ad. 4. Tekuća pitanja**

Predsjedavajući je istakao da je na Prijedlog zakona o poštama BiH uloženi veliki broj amandmana i mišljenja je da je potrebno izvršiti dodatne konsultacije u vezi s pojedinim odredbama navedenog prijedloga zakona i podnesenih amandmana, pa je predložio da Komisija, u skladu s članom 111. stav (4) i (5) Poslovnika Predstavničkog doma, zatraži od Kolegija Predstavničkog doma odobrenje za produženje roka za dostavljanje izvještaja o Prijedlogu zakona o poštama BiH.

Komisija je jednoglasno prihvatila prijedlog.

Predsjedavajući je zaključio sjednicu u 15 sati.

SEKRETAR KOMISIJE  
Ahmed Jalovičić

PREDSJEDAVALJUĆI KOMISIJE  
dr. Branko Dokić